



Broj: 07-11-691/23  
Vogošća, 26.05.2023. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14 i 59/22), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15 i 9/20), Općinski načelnik dana 26.05.2023. godine donio je

**ODLUKU  
O PONIŠTENJU OTVORENOG POSTUPKA NABAVKE RADOVA NA  
VODOSNABDIJEVANJU GORNJIH ZONA NASELJA KRIVOGlavCI I SVRAKE-I FAZA**

**Član 1.**

Poništava se Otvoreni postupak nabavke radova na vodosnabdijevanju gornjih zona naselja Krivoglavci i Svrake-I faza broj: 07-11-691/23, jer nijedna od primljenih ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14 i 59/22).

**Član 2.**

Odluka o poništenju postupka nabavke će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

**OBRAZLOŽENJE**

Općinski načelnik je dana 13.04.2023. godine donio Odluku o pokretanju Otvorenog postupka nabavke radova na vodosnabdijevanju gornjih zona naselja Krivoglavci i Svrake-I faza, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 26.04.2023. godine pod brojem: 1353-1-3-61-3-80/23.

Sažetak Obavještenja o nabavci objavljen je u "Službenom glasniku BiH" broj: 30/23 od 28.04.2023. godine.

Tendersku dokumentaciju sa Portala javnih nabavki BiH su preuzela 22 (dvadeset i dva) ponuđača.

Krajnji rok za dostavu ponuda bio je 18.05.2023. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 18.05.2023. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-691/23 iz aprila 2023. godine i Izmjeni TD broj: 07-11-691/23 iz maja 2023. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 3 (tri) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Mibral" d.o.o. Sarajevo	851.389,96	/	/	996.126,26
2	"Ted invest" d.o.o. Sarajevo	848.572,28	/	/	992.829,57
3	"Unioninvest" d.d. Sarajevo	851.957,37	/	/	996.790,13

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Ted invest" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 7.4.1 pod a) TD je traženo da su ponuđači u posljednjih 5 (pet) godina računajući od dana podnošenja ponude, kao izvođači radova realizovali minimalno jedan ugovor čiji je karakter i kompleksnost isti onom koji se odnosi na predmetnu nabavku u ukupnom iznosu od 852.000,00 KM bez PDV-a ili više pojedinačnih ugovora u ukupnom zbiru od 852.000,00 KM bez PDV-a.

Kao dokazi tačkom 7.4.2. pod a) TD su traženi Spisak izvršenih ugovora u ukupnom iznosu od 852.000,00 KM bez uračunatog PDV-a u posljednjih 5 (pet) godina računajući od dana podnošenja ponude-referenc lista, koju sačinjava ponuđač na svom memorandumu sa Potvrdama o izvršenim ugovorima od druge ugovorne strane (Naručioca) u iznosu od 852.000,00 KM bez PDV-a.

Ponuđač "Ted invest" d.o.o. Sarajevo je svojoj ponudi (strana 56-62 Ponude) dostavio Uvjerenja/Potvrde u uspješnoj realizaciji sljedećih poslova:

- Rekonstrukcija vodovodne mreže na dijelu ulice Ispod Budakovića-Općina Stari Grad Sarajevo;
- Zamjena azbestnih vodovodnih cijevi u ulici Munira Gavrankapetanovića-Općina Ilidža;
- Izgradnja vodovodne i kanalizacione mreže u dijelu ulice Rosulje-Općina Vogošća;
- Izgradnja vodovodne mreže u dijelu ulice Barica-Općina Vogošća;
- Izgradnja vodovoda Tešanjka-Lepenica-Općina Tešanj;
- Izgradnja i spajanje kanalizacije sa glavnom mrežom u ulici Ljubomira Krsmanovića od broja 254-Brčko distrikt BiH;
- Izvođenje radova na rekonstrukciji distributivno-dovodnog cjevovoda DN 300mm na potezima Butile-Rajlovac i na izgradnji dovodnog cjevovoda DN 200mm do pumpne stanice Briješće-Orman d.o.o. Kiseljak (Kooperantski ugovor).

Komisija za javne nabavke je cijenila da dostavljena Uvjerenja/Potvrde ne ispunjavaju uslov postavljen tačkom 7.4.1 pod a) TD kojom je decidno tražen jedan ugovor čiji je karakter i kompleksnost isti onom koji se odnosi na predmetnu nabavku ili više pojedinačnih ugovora u ukupnom zbiru od 852.000,00 KM bez PDV-a.

Obzirom da je tačkom 6.1.1.TD kao predmet nabavke opisana I faza izvođenja radova na izgradnji 2 (dva) rezervoara i to rezervoar "Krivoglavci I" zapremine  $V=400 \text{ m}^3$  za vodosnabdijevanje gornjih zona naselja Krivoglavci i Svrake i rezervoar "Krivoglavci II" zapremine  $V=200 \text{ m}^3$  za gornje zone naselja Krivoglavci II, Komisija za javne nabavke smatra da poslovi koje je uspješno realizovao Ponuđač "Ted invest" d.o.o. Sarajevo u dostavljenim potvrdama nisu isti kao oni koji su zahtijevani odredbama TD-tačka 7.4.1. pod a) i tačka 6.1.1.TD.

- Tačkom 7.4.1 pod b) TD su tražene obrazovne i profesionalne kvalifikacije lica koja su angažovana na izvođenju konkretnih radova tj. da ponuđač za potrebe realizacije predmeta nabavke ima na raspolaganju angažovano tehničko osoblje i to između ostalih da ima angažovano 1 (jedno) lice koje ispunjava uslove za obavljanje poslova predradnika (poslovođe) građevinske struke, minimum IV stepen stručne spreme i 3 (tri) godine radnog iskustva.

Ponuđač "Ted invest" d.o.o. Sarajevo je u svojoj ponudi propustio da dostavi dokaz da ima na raspolaganju 1 (jedno) lice koje ispunjava uslove za obavljanje poslova predradnika (poslovođe) građevinske struke, minimum IV stepen stručne spreme sa 3 (tri) godine radnog iskustva, u skladu sa tačkom 7.4.2. pod b) TD.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14 i 59/22) predmetna ponuda je formalno-pravno neispravna i kao takva nije prihvatljiva za ugovorni organ.

- Komisija za javne nabavke je pristupila razmatranju finansijskog dijela ponude ponuđača "Ted invest" d.o.o. Sarajevo, te je izvršena računska provjera dostavljene ponude, nakon čega je utvrđeno da postoji računska grešaka u Ponudi ponuđača "Ted invest" d.o.o. Sarajevo.

Postupajući u skladu sa odredbom člana 17. stav 5. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15) Komisija za javne nabavke je izvršila ispravku računске greške, te je aktom broj: 07-11-691/23 od 25.05.2023. godine dostavila na davanje saglasnosti ponuđaču "Ted invest" d.o.o. Sarajevo.

Ponuđač "Ted invest" d.o.o. Sarajevo je svojim aktom broj: 02-61/23 od 25.05.2023. godine dao saglasnost na ispravku računске greške, tako da umjesto ukupne ponuđene cijene u iznosu od 848.572,28 KM bez uračunatog PDV-a, ukupna cijena ponude nakon prihvaćene ispravke od strane ponuđača iznosi 945.776,28 KM bez uračunatog PDV-a.

Na osnovu iznesenog, obzirom da je procijenjena vrijednost nabavke utvrđena TD i kroz Obavještenje o nabavci u iznosu od 852.000,00 KM bez uračunatog PDV-a, Komisija za javne nabavke je utvrdila da je Ponuda ponuđača "Ted invest" d.o.o. Sarajevo neprihvatljiva, a sve u skladu sa članom 2. stav I) Zakona o javnim nabavkama BiH kao i članom 8.1.6.TD, jer ponuđena cijena prelazi planirana, odnosno osigurana novčana sredstva ugovornog organa za nabavku.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Unioninvest" d.d. Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 7.4.1 pod c) TD je traženo da ponuđači posjeduju-imaju na raspolaganju građevinske mašine i tehničku opremu neophodne za uspješno izvođenje predmetnih radova i to između ostalih da imaju na raspolaganju i 2 teretna vozila-kamiona kiperera. Kao dokazi tačkom 7.4.2. pod c) TD su za teretna vozila-kamione kipere iz tačke 7.4.1. pod c) stavka 1. tražene važeće saobraćajne dozvole/potvrde o registraciji.

Ponuđač "Unioninvest" d.d. Sarajevo je svojoj ponudi (strana 139. Ponude) dostavio Potvrdu o registraciji/Saobraćajnu dozvolu, izdatu od strane MUP-a Kantona Sarajevo, koja glasi na firmu "Top Tim Tri" d.o.o. Sarajevo, za priključno vozilo-O4, marke Schmitz Cargobull.

Komisija za javne nabavke je cijnila da dostavljeni dokaz nije u skladu sa traženim iz tačke 7.4.2. pod c) TD, jer je očigledno da se radi o priključnom vozilu tj. prikolici, koja u skladu sa tačkom 13. iz Potvrde o registraciji nema motora.

Dostavljeni dokaz u ponudi ponuđača "Unioninvest" d.d. Sarajevo vezan za tačku 7.4.2. pod c) TD Komisija za javne nabavke je smatrala neispravnim jer je isti u potpunosti u suprotnosti sa jasno postavljenim zahtjevima iz TD, kojom je jasno zahtjevano da ponuđači za teretna vozila-

kamione kipere (a ne za priključno vozilo) trebaju kao dokaze dostaviti važeće saobraćajne dozvole/potvrde o registraciji.

Shodno gore navedenom, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14 i 59/22) predmetna ponuda je formalno-pravno neispravna i kao takva nije prihvatljiva za ugovorni organ.

Detaljnim postupkom pregleda i ocjene ponude, Komisija za javne nabavke je utvrdila da ponuda ponuđača "Mibral" d.o.o. Sarajevo ispunjava formalno-pravne uslove, odnosno zahtjeve ugovornog organa tražene Tenderskom dokumentacijom.

Komisija za javne nabavke je pristupila razmatranju finansijskog dijela ponude ponuđača "Mibral" d.o.o. Sarajevo, te je izvršena računska provjera dostavljene ponude, nakon čega je utvrđeno da postoji računska grešaka u Ponudi ponuđača "Mibral" d.o.o. Sarajevo.

Postupajući u skladu sa odredbom člana 17. stav 5. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15) Komisija za javne nabavke je izvršila ispravku računске greške, te je aktom broj: 07-11-691/23 od 25.05.2023. godine dostavila na davanje saglasnosti ponuđaču "Mibral" d.o.o. Sarajevo.

Ponuđač "Mibral" d.o.o. Sarajevo je dana 26.05.2023. godine dostavio akt Odgovor na dopis broj: 65-1.6.1-05/22 od 26.05.2023. godine.

U dostavljenom aktu ponuđač "Mibral" d.o.o. Sarajevo je izjavio:

"Ovim putem Vas obavještavamo da nismo saglasni sa ispravkom računске greške na način da se proizvod količine i cijene koriguje.

Prihvatamo da se stavka u Obrascu za cijenu ponude-Aneks 2 (str. 79 naše ponude) kod stavke c) Regulaciona mjerna oprema-redni broj 3, bez obzira na količinu u zbiru obračuna 1.322,00 KM.

Naša namjera kao ponuđača je da ukupna cijena ponude bude u okviru procjene nabavke, stoga smo saglasni da se ukupni proizvod zadrži uz datu cijenu bez obzira na količinu."

Obzirom da ponuđač "Mibral" d.o.o. Sarajevo svojim pisanim aktom od 26.05.2023. godine nije dao saglasnost na ispravku računске greške kako je to utvrdio i zahtjevao ugovorni organ u aktu broj: 07-11-691/23 od 25.05.2023. godine, Komisija za javne nabavke vodeći se u skladu sa odredbom člana 68. stav 4. tačka g) Zakona o javnim nabavkama BiH ("Službeni glasnik BiH", broj 39/14) i članom 17. Uputstva za pripremu modela tenderske dokumentacije i ponuda ("Službeni glasnik BiH", broj 90/14 i 20/15) je odbacila ponudu ponuđača "Mibral" d.o.o. Sarajevo kao neprihvatljivu.

Iz navedenih razloga, Komisija za javne nabavke je jednoglasno dala preporuku Općinskom načelniku da donese Odluku o poništenju otvorenog postupka nabavke radova na vodosnabdijevanju gornjih zona naselja Krivoglavci i Svrake-I faza, iz razloga jer nijedna od primljenih ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14 i 59/22).

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o poništenju postupka nabavke izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Melisa Kršo



OPĆINSKI NAČELNIK

Migdad Hasanović  
Migdad Hasanović

Dostavljeno:

1. "Mibral" d.o.o. Sarajevo
2. "Ted invest" d.o.o. Sarajevo
3. "Unioninvest" d.d. Sarajevo
4. Nadležnoj Službi
5. U dosije
6. a/a

info@mibral.ba  
tedinvestdoo@gmail.com  
sanja.saf@unioninvest.net